

**BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
JU OSNOVNA ŠKOLA „MEJDAN“ TUZLA**

**Broj: 1133/19**

**Tuzla, 05. 12. 2019. godine**

Na osnovu člana 105. stav (1) Zakona o osnovnom odgoju i obrazovanju („Službene novine Tuzlanskog kantona“ broj: 9/15, 06/16, 14/18) (u daljem tekstu: Zakon) i Odluke Školskog odbora o raspisivanju konkursa za direktora broj 1132/19 od 05. 12. 2019. godine, JU Osnovna škola „Mejdan“ Tuzla raspisuje

**K O N K U R S**  
**za direktora JU Osnovna škola „Mejdan“ Tuzla**

Raspisuje se konkurs za direktora JU Osnovna škola „Mejdan“ Tuzla koji se imenuje na period od 4 (četiri) godine.

**1) Opis poslova direktora**

Direktor škole obavlja sljedeće poslove:

- a) Rukovodi radom škole
- b) Zastupa i predstavlja školu prema trećim licima i odgovara za zakonitost rada škole
- c) Predlaže program odgojno-obrazovnog rada i preduzima odgovarajuće mjere za njegovu realizaciju,
- d) Utvrđuje potrebu za prijemom zaposlenika u radni odnos u slučaju kada u školi nije imenovan školski odbor,
- e) Odlučuje o prijemu i raspoređivanju zaposlenika škole na poslove i utvrđuje ocjenu o njihovom radu, u skladu sa opštim aktima škole
- f) Podnosi školskom odboru, osnivaču i Pedagoškom zavodu izvještaj o uspjehu i postignutim rezultatima odgojno-obrazovnog rada u školi,
- g) Realizuje nastavu ili druge oblike neposrednog odgojno-obrazovnog rada u skladu sa nastavnim planom i programom u obimu utvrđenom Pedagoškim standardima i normativima,
- h) Odgovara školskom odboru za svoj rad i rezultate rada škole
- i) Izvršava odluke stručnih organa i organa upravljanja
- j) Predlaže pravilnik o unutrašnjoj organizaciji škole i druge opšte akte škole,
- k) Odlučuje o pravima i obavezama zaposlenika iz radnog odnosa u školi,
- l) Podnosi školskom odboru polugodišnje i godišnje izvještaje o izvršenju odobrenog budžeta škole po vrstama troškova i izvorima sredstava,
- m) Predlaže finansijski plan i naredbodavac je za izvršenje finansijskog plana po odobrenim budžetskim pozicijama za njegovu budžetsku organizaciju,
- n) Obustavlja od izvršenja akt školskog odbora za koji smatra da je u suprotnosti sa ustavom ili zakonom kao i pojedinačni akt kojim se nanosi šteta školi ili društvenoj zajednici, osim akata koji se odnose na postupak prijevremenog razrješenja direktora iz članova 110. I 111. Zakona o osnovnom odgoju i obrazovanju TK i suspenziju direktora iz člana 112 Zakona o osnovnom odgoju i obrazovanju TK
- o) Vršiti i druge poslove u skladu sa zakonom i pravilima škole.

## 2) Uslovi

### a) Opći uslovi

#### Opći uslovi

Kandidat za direktora škole mora ispunjavati sljedeće opće uslove:

- a) da je državljanin Bosne i Hercegovine,
- b) da je zdravstveno sposoban za obavljanje poslova direktora škole,
- c) da se na njega ne odnosi član IX stav (1) Ustava BiH,
- d) da nije osuđivan za krivično djelo,
- e) da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole.

### b) Posebni uslovi

Kandidat za direktora škole, pored općih uslova mora ispunjavati i sljedeće posebne uslove:

- a) da ima VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja,
- b) da ima najmanje pet godina radnog iskustva na poslovima nastavnika ili stručnog saradnika škole,
- c) da ima položen stručni ispit za samostalan rad na poslovima nastavnika ili pedagoga,
- d) da ima program rada i razvoja škole za period na koji se imenuje direktor,
- e) da nije u skladu sa članom 84. Zakona o osnovnom odgoju i obrazovanju nepodoban za rad s djecom,
- f) da nije član izvršnih organa političkih stranaka,
- g) da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- h) da nema direktan finansijski ili drugi lični interes u JU Osnovna škola „Mejdan“ Tuzla, koji bi mogao dovesti do sukoba sa njegovom dužnošću direktora,
- i) da nije pravosnažno osuđen za neko od krivičnih djela iz člana 84 stav 1 Zakona o osnovnom odgoju i obrazovanju TK,
- j) da nije kažnjavan iz oblasti privrednog prestupa,
- k) da mu nije izrečena zaštitna mjera zabrane vršenja poslova direktora, nastavnika ili stručnog saradnika škole,
- l) da u mandatnom periodu ne stiče uslove za odlazak u penziju shodno odredbama Zakona o radu
- m) da ispunjava uslove iz člana 103. I 104. Zakona o osnovnom odgoju i obrazovanju:

#### Član 103.

- (1) Školom rukovodi direktor, koji se imenuje na period od četiri godine.
- (2) Za direktora škole može biti imenovano lice koje pored općih uslova ispunjava i uslove za nastavnika ili stručnog saradnika škole, ima VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja i ima najmanje pet godina radnog iskustva na poslovima nastavnika ili stručnog saradnika škole.
- (3) Stupanjem na dužnost imenovani direktor škole sa školom zaključuje ugovor o obavljanju poslova direktora škole na puno radno vrijeme, koji u ime škole potpisuje predsjednik školskog odbora ili drugo za to ovlašteno lice

- (4) O pravima, obavezama, odgovornostima i drugim pravnim interesima direktora škole, ako ovim zakonom nije drugačije propisano, odlučuje školski odbor.
- (5) Protiv odluke iz stava (4) ovog člana direktor škole može školskom odboru podnijeti zahtjev za njeno preispitivanje, a u roku od 30 dana od dana njenog prijema, pokrenuti parnični postupak. Podneseni zahtjev za preispitivanje odluke ne odlaže njeno izvršenje.
- (6) Sadržaj ugovora iz stava (3) ovog člana propisuje Ministarstvo obrazovanja i nauke TK.

#### Član 104.

Smetnje za imenovanje direktora škole

Za direktora škole ne može biti imenovano lice

- a) Koje je, u skladu sa članom 84. Zakona o osnovnom odgoju i obrazovanju TK nepodobno za rad s djecom,
- b) Na koje se odnosi član IX (1) Ustava BiH
- c) Koje je član izvršnih organa političkih stranaka
- d) Koje ima direktan finansijski ili drugi lični interes u školi u kojoj se kandiduje koji bi mogao dovesti do sukoba interesa sa njegovom dužnošću direktora,
- e) Kojem je u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe
- f) Koje je pravosnažno osuđeno za neko od krivičnih djela iz člana 84 stav 1 Zakona o osnovnom odgoju i obrazovanju TK, koje je kažnjavano iz oblasti privrednog prestupa, kojem je izrečena zaštitna mjera zabrane vršenja poslova direktora, nastavnika ili stručnog saradnika škole ili koje u mandatnom periodu stiče uslove za odlazak u penziju shodno odredbama Zakona o radu.

### 3) Prijava i rok za dostavljanje prijava

Kandidat za direktora škole uz prijavu na konkurs koja sadrži kraću biografiju, dostavlja i svoj program rada i razvoja škole za period na koji se imenuje, dokaze o ispunjavanju svih uslova (općih i posebnih), odnosno sljedeću dokumentaciju (original ili ovjerene kopije ne starije od šest mjeseci):

1. Uvjerenje o državljanstvu,
2. Dokaz o stručnoj spremi,
3. Potvrda o radnom stažu, izdata od strane škole, da ima najmanje pet godina radnog staža,
4. Uvjerenje izdato od strane nadležnog suda da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole,
5. Uvjerenje o položenom stručnom ispitu za samostalan rad u oblasti obrazovanja, na poslovima nastavnika ili pedagoga škole poslije sticanja odgovarajuće stručne spreme,
6. Program rada i razvoja JU Osnovna škola „Mejdan“ Tuzla, za period na koji se imenuje direktor,
7. Ovjerena izjava kandidata da se na njega ne odnosi član IX stav (1) Ustava BiH,
8. Ovjerena izjava kandidata da nije osuđivan za krivično djelo,

9. Ovjerena izjava kandidata da nije u skladu sa članom 84. Zakona o osnovnom odgoju i obrazovanju nepodoban za rad s djecom,
10. Ovjerena izjava kandidata da nije član izvršnih organa političkih stranaka,
11. Ovjerena izjava kandidata da nije obavljao dužnost direktora dva mandata u JU OŠ „Mejdan“ Tuzla,
12. Ovjerena izjava kandidata da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
13. Ovjerena izjava kandidata da nema direktan finansijski ili drugi lični interes u JU Osnovna škola „Mejdan“ Tuzla, koji bi mogao dovesti do sukoba sa njegovom dužnošću direktora,
14. Ovjerena izjava kandidata da u mandatnom periodu ne stiče uslove za odlazak u penziju.

Pod ovjerenom izjavom podrazumijeva se izjava ovjerena od strane nadležnog gradskog ili općinskog organa, odnosno izjava ovjerena od strane notara.

Prijava se dostavlja u roku od 15 dana od dana objavljivanja ovog konkursa u dnevnom listu „Dnevni avaz“.

#### **4) Postupak**

Za direktora škole ne može biti imenovano lice koje ne ispunjava opće i posebne uslove konkursa. Nakon provjere blagovremenosti i potpunosti pristiglih prijava školski odbor sastavlja listu kandidata koji ispunjavaju uslove tražene javnim konkursom. Za kandidate je školski odbor dužan prvo pribaviti stručno mišljenje Pedagoškog zavoda, a nakon toga, za kandidate koji su dobili pozitivno stručno mišljenje Pedagoškog zavoda, saglasnost Ministarstva obrazovanja i nauke Tuzlanskog kantona. Za direktora škole, školski odbor imenuje kandidata za kojeg je glasala većina od ukupnog broja članova školskog odbora, a koji je prethodno dobio pozitivno stručno mišljenje Pedagoškog zavoda i saglasnost ministarstva. Školski odbor može punovažno odlučivati i ukoliko se na javni konkurs prijavio samo jedan kandidat koji ispunjava tražene uslove za direktora škole. Lice može biti imenovano za direktora iste škole čiji je osnivač skupština kantona više puta, ali ne više od dva uzastopna mandata. Imenovanje za vršioca dužnosti direktora tog ili drugog lica između dva mandata, odnosno razrješenje sa dužnosti direktora škole prije isteka vremena na koji je imenovan iz razloga propisanog članom 110 tačka a Zakona ne prekida uzastopnost mandata u odnosu na lice koje se javlja kao kandidat za direktora škole. Kandidat za direktora, ukoliko je član školskog odbora, ne može odlučivati o izboru i imenovanju direktora škole. Odluka školskog odbora o imenovanju direktora je konačna. (Kriterije na osnovu kojih Pedagoški zavod daje stručno mišljenje, Ministarstvo saglasnost, a školski odbor imenuje direktora škole čiji je osnivač skupština, donosi Ministar.)

Kandidat koji bude imenovan za direktora dužan je dostaviti:

- Ljekarsko uvjerenje nadležne zdravstvene ustanove (ne starije od 3 mjeseca) i
- Izjavu ovjerenu od strane nadležnog organa o odstupanju sa pozicije predsjednika ili člana Školskog odbora ukoliko je u tom momentu obavljao navedenu dužnost.

#### **5) Period na koji se kandidat imenuje**

Kandidat se imenuje na period od četiri godine

#### **6) Način obavještanja kandidata o rezultatima konkursa**

O rezultatima konkursa kandidati će biti pismeno obaviješteni u roku od 8 (osam) dana od dana donošenja Odluke o imenovanju. Odluka o imenovanju direktora škole je konačna.

**Konkurs ostaje otvoren 15 (petnaest) dana od dana objavljivanja u dnevnom listu „Dnevni avaz“.**

**Nepotpune i neblagovremene prijave neće se uzimati u razmatranje.**

**Prijave dostavljati lično ili na adresu škole:**

**Javna ustanova Osnovna škola „Mejdan“ Tuzla  
Ul. Muftije ef. Kurta b.b.  
75000, Tuzla  
Bosna i Hercegovina**

**Sa naznakom: (Konkurs za direktora osnovne škole „Mejdan“ Tuzla – NE  
OTVARATI)**



**Školskog odbora  
„Mejdan“ Tuzla**

*[Handwritten signature]*

**Prof.**